

**PETRI ANGELII
BARGAEI LAUDATIO
AD FUNEBREM
CONCIONEM QUAE
PISIS HABITA EST...**

Pietro Angeli



ANGELI BARGAI

Laudatio



FLORENTIA

EX LIBRIS



I quanto vos in luctu & squalore esse animaduerto propter incredibilem dolorem, quem ex acerbissima COSMI MEDICIS Magni Hetruscorum Ducis morte accepistis; Ciues; tantam ego ad dicendum vim ac facultatem conferre possem: non dubitarem me esse cunctorum expectationi desiderioque cumulatissime satisfacturum. Ex quo illi prudenter egisse videntur; qui mihi homini, quamquam fortasse aliquantum in dicendo exercitato, sed tamen tam incredibilis iacturae magnitudine vehementer commoto tantum oneris hodierno die imposuerunt. Efficcerem enim profecto, ut nulli, neque vobis ad lugendum causam iustiore accidere: neque cuiquam ad dicendum argumentum copiosius offerri potuisse non faterentur. Nunc vero cum mihi in hac rerum acerbitate versanti tum mentis acies, tum ingenium ipsum, exiguum illud quidem, & voluntati minime par hebescat & langueat, cumque vestrum omnium moerorem esse videam, quem nulli Oratores quamuis omnibus Eloquentiae laudibus affluentes vlla verborum copia vel æquare, vel consequi valeant, nihil planè reliquum est, quamobrem ego quidem confidam fore, ut in hoc ipso argumento tractando talem me præbeam, qualem non modo vos existimatis, sed etiam res ipsa postulat. Quis enim dicendi usu tam exercitatus est, qui cum, non dicam in communi totius Hetruriae luctu, sed priuatim in suis suorumque Ciuium lachrymis facundus.

Laudatio ad funebrem concionem

cundus esse possit, idem etiam stupiditatis atque immanitatis nomine accusari non debeat, & à communi cæterorum omnium sensu plurimum abhorrere non videatur? Neque enim qui vere atque ex animo dolent, dolorem ipsi suum satis commode dissimulant: aut si quando accidit, ut temporis causa dissimulent, animus tamen in lugendo occupatus, dum ipse cum ægritudinis acerbitate ac magnitudine quasi luctatur, nihil præclare agere, nihil laudabiliter moliri, nihil, quod ab aliis magnopere commendetur, efficere & præstare consuevit. Quibus quidem incommodis ac difficultatibus planè circumuentus atque oppressus, non profitebor, Ciues, meam hanc Orationem huiusmodi vim habituram esse, ex qua vos ad liberandos animos vestros à mœrore, quo estis affecti, consolatio- nem aliquam hauriatis. Neque, id ut consequar, magnopere contendam, me ut benigne ac perattente audiatis. (Cùm enim illud postulem, quod mihi vltro ab omnibus, quæ vestra est humanitas, libentissime tribui video?) Sed ea potius breuissimè percurram, quorum causa par ego esse existimo, ut dolori nostro, quem ex illius obitu omnes capimus, grauissimum & vix consolabilem, non modo ignoscatur, sed laus etiam aliqua, quòd illi, quantum quidem in nobis est, indulgeamus, à cæteris gentibus, quarum ad aures peruenerit, non inuitis tribuatur. Neque hac in re tamen ita verborum, ut, quæ ille cumque præclare gessit, ea vobis similiter in hac oratione explicaturus. Nam infinita penè cùm sint, ab Historicis potius scribendo, quàm dicendo ab Oratoribus tractentur necesse est. De multis igitur illustribus & gloriosis factis, quæ ad tanti viri memoriam cum admiratione & cultu recolendam mihi sese offerunt, ea seligam, quæ cùm breui hoc & perangusto temporis spatio satis explicare percenseri poterunt, tum ab eo, quòd agi à nobis oportere paulo ante statuimus,

tuimus, non aliens esse videbuntur. Non possum non magnopere mirari veterum Poetarum sapientiam, Ciues, qui cum existere interdum aliquos vidissent incredibili virtutum excellentia praestantes, eos non homines, sed Heroes appellabant. Quod naturæ quædam quasi similitudine & cognatione proxime ad Deos cum accederent, ex Diis etiam ipsis, tametsi fabulosè illi quidè, at non sine aliquo tamen argumento nati esse crederentur. Sic Thetidem Achilles, Venerè AEneas, Theseus Neptunum, Romulus Martem parentes habuisse existimati sunt. Quod quidem ego factum puto, quo probabilius naturæ ortum excellentis & supremæ non ad homines, sed ad Deos immortales referri oportere ostenderet. Cuius præsertim virtus cum in gente quapiam altissimas radices egisset, eæque postea mirabili quadam continuatione serieq; liberorum & nepotum viros in administranda Repub. facile principes propagauissent, necessario effecerunt, ut huiusmodi familiæ cæterorum omnium familiaris nobilitate & præstantia longissime preferrentur. Qua ratione adducti veteres, Græci tum AEacidas tum Heracidas à Ioue; Latini, verò Iuliam gentem à Venere, Cæsarem Augustum ab Apolline ortum habuisse autumabant. Quin & ipse quoque Alexander Macedo cognomento Magnus, cum iuueniliter exultaret, & paulo ille quidem insolentius, quam oporteret, gloriaretur, se se à Ioue natum esse, Olympiadem eius matrem facti turpitudine vehementer commotam, tantam audaciam tantamque impudentiam in filio grauiter accusasse, ferunt: cum diceret, an ille me apud Iunonem aliquando tandem criminari non desinet? Sciebant enim mulier castissima non Iouem sed Philippum Alexandri Patrem esse, & ea, quæ de Heracidarum atque AEacidarum origine, a quibus tum ipsa tum Philippus profecti fuerant, vulgo cir-

Laudatio ad Funebrem concionem

cum ferebantur, fabulose narrari. Quod homines suæ sibi imbecillitatis conscii fieri non posse opinarentur, ut qui fati ac natura homines essent, tantas res ipsi sine diuinitate conficerent. Nisi planè dementes fuisse Veteres existimemus, qui non perspicerent quantam labem atque ignominiam virtuti aspergerent, cum quempiam ex incestu ac stupro procreatum fuisse dicerent. Sed illud sine ulla dubitatione verum est: Heroas eos ac diuinos homines dici consueuisse, qui ex iis maioribus orti essent, in quibus non minores istar ac leuiorè virtutes, sed diuinæ scilicet atque heroicæ, quæ supra nos sunt, se se extulerunt. Quæ quàm aptè conueniant in genus ac stirpem planè regiam, ex qua Medices orti sunt, qui non aperte vident, qui non in genue satentur, qui non liberè prædicant: ii præterquam quod in sermone omnium celeberrimo planè peregrinantur, tantum etiam abest virtuti ut saueant alienæ, ut tam excellentibus vetustissimæ familiæ bonis turpiter inuidere videantur. Nam quæ domus est, quæ plures effuderit in omni virtutum genere principes viros? Dies me, hercule, dicentem deficiat, si eos commemorem, qui domi forisque nominis splendore maxime illustres fuerunt: si clarissimos ac sapientissimos ciues perensem, qui priuati cum essent, rerum gestarum gloria, & animi magnitudine cum summis atque opulentissimis Regibus contenderunt: si acerrimos ac fortissimos milites: si liberalissimos atque inuictissimos Duces: si maximos & castissimos Sacerdotes ac Pontifices enumerem: quorum omnium actiones & facta non hominum, sed lætissimorum heroum fuisse existimantur. Quæ non eò tamen à me dicuntur, quod ad hanc huiusmodi laudationem faciendam Auorum ac Proauorum imperia, magistratus, potestates, triumphos: publice priuatimque res egregiè gestas: cum maximis ac potentissimis regibus

affini-

affinitates coniunctas commemorare & quasi vobis
in Sole ambulanti bus faciem præferre instituerim. Sed
vt doceam minime mirum videri oportere, si **COS-**
MVS MEDICEs. ortus ab iis maioribus omnium
mortalium sapientissimus & opinione hominum ha-
bitus est, & reuera etiam fuit. Quod quo certius ex
innumerabilibus eius vitæ actionibus constare omni-
bus potest, eo etiam dolentius ferri hunc ipsius extre-
mum à nobis ad Superos discessum oportere intelli-
gimus. Amisimus enim, Ciues, cum Principem, cui ne-
que ad Hetruriæ totius dignitatem & amplitudinem
augendam: neque ad Reipub. Christianæ salutem cō-
seruandam, neque ad omnium populorum, quibus
ipse imperabat, felicitatem, si qua in rebus humanis
felicitas est, & præstandam & tuendam quicquam dee-
rat: non opes: non copiæ: non mens: non consilium:
non voluntas: non apud omnes gentes ac nationes ad-
mirabilis existimatio, atque incredibilis auctoritas. Vt
hoc potissimum nomine populi omnes, qui in eius
non dicam imperio ac dominatû, sed in fide & cliente-
la quiescebant, beatissimi esse tum à finitimis, tum
ab externis nationibus existimarentur. Eamq. multi
Principes ac Dynastæ opinionem cum in suis penitus
defixam esse perspicèrent, quâquam fortasse tantarû
virtutum præstantiæ parûm æqui, tamē tantum absuit
vt imperandi rationem reprehenderint, vt studiose
etiam, quantum quidem fieri præstariq. ab iis potuit,
confectati fuerint. Ac me hercule cogitanti mihi, &
memoria superioris ætatis incommoda repetenti, qui-
bus & Hetruriæ totius & omnium Italarum res miser-
rimæ confictatæ sunt, diuinum atque immortale Dei
opt. max. beneficium videri solet: qui tam miseris ac
luctuosis Italiæ temporibus cum virum, atque adeo
Heroem excitauerit, cuius virtute & sapientia bella
omnia, quibus Europâ iamdiu conflagrauerat, seda-

Laudatio ad funebrem concionem

rentur. Quod quidem ipsum quamquam magnis laboribus & erumnis suis consecutus est, ea tamen potissimum auctoritate, quam illi res iam inde ab adolescentia vel à pueritia potius uò minus fortiter quam prudenter acta maximam compararunt, in primis confecisse existimari & potest & debet. Nam aut hic nonster vnus est, qui suo ipsius exemplo, quantum consilio tribui oporteat, planissime ostendit, aut alius nemo: siue ille ex nostra, siue ex Annalium memoria repetatur. Et quidem, ut ceteros prætermittam omnes, qui a senibus ipsi penè pueri ad clauum Reip. gubernandum è priuatis familiis euocati sunt, vnum C. Octatium, qui postea est Augustus cognominatus, nominare possumus, quicum COS MV M MEDICEM comparemus. Is enim tum annos ad 18. natus esset, à Senatu Reip. gerenda præfectus est: Qua tamen prosperè gesta dominandi cupiditate accensus atque inflammatus, eos, quorum opibus & consiliis adiutus, auctus, atque ad summum imperium euectus fuerat, flagitiosissime prodidit: & communibus populi Rom. hostibus se adiunxit: iisque mox è medio sublati per ciuium caedes aditum sibi ad eam Remp., quam in fidem ad certum tempus receperat, quo iure quàm iniuria occupandam patefecit. At hic Heros noster, paulo adolescentior cum esset, & ciuium dissensione potentissimorum status Reip. miserè laboraret, eoque rerum summa redacta esset, ut omnia omnium cadibus paulo post complenda esse viderentur: neque quidquam propius abesset, quàm ut Vrbs Florentia sedibus penè suis enerteretur: & cuncta Hettruria foedissimis bellis, in ænidiis ac rapinis vastaretur, è priuata domo, in qua à sanctissima matre MARIA SALVIATIA castissimo atque integerrime ad spem supræmæ fortunæ eductus fuerat, excitus, atque adeo quasi quidam, nouus Serranus è suburbano agro, in quem

quem ipse animi caussa diuerterat, ad Dictaturam summa populi voluntate à frequentissimo senatu euocatus, Remp. suo ipsius patrociniò commendatam accepit, non vt ad tempus eam gereret, sed vt tanquã Gubernator ad clauum in puppe residens perpetuò administraret: eiusque cursum sic dirigeret, vt à nemine præterea quamuis improbo & factioso ciue impediri aut retardari posset, quo minus in eum portù; quem optimi quiq. magnopere optabant, incolumis perueniret. Quod cum fieri vix posse nonnulli arbitrarentur: futurumque existimarent, vt Ciues rursus inter se grauissimis dissensionibus ac discordiis agerentur, atque vnà cum ipso adolescentulo **COSMO MEDICE** Remp. funditus euerterent, auctores illi erant, vt non modo patienti, sed etiam libenti animo tam graue ac periculosum onus deponeret. Qua scilicet ratione si ruenti patriæ ferre opem non posset, at salutem ipse suam, quam quisque charissimam habere consuevit, honestissime rueretur. Verum enim verò cum ipse minus omnino sibi, quàm patriæ se natum esse existimaret, nulla, neq. impèdientis periculi tempestate, neque terrorum ac minarum, quæ proponebantur, magnitudine, neque certissimæ mortis denunciatione permoueri vnquam potuit, quo minus illud ipsum, quod semel sibi a Senatu mandatum fortiter agere instituerat, constantissime persequeretur; & patriæ salutem sua sibi esse salute longe antiquiorem ostenderet. Qua quidem in re quantum hostibus tum bellicæ facultatis scientia præditis, tum rerum gerendarum vsu exercitatis virtute & sapientia antecelleret, patefactum est. Nam cum eos, in apertam vim coniecisset, ita ipse pene præsidii omnibus destitutus aduersarios ab opibus & copiis paratissimos, & ad ciuium caedes instaurandas, Reique P. statum conuellendum ruentes sudit ac fugauit, nihil vt esse per-

Laudatio ad Funebrem concionem

timeſcendum oſtenderit, vbi conſilium cum temeritate; Virtus cum audacia; ius cum iniuria conſiſtitatur ac dimicat. Vicit enim propemodum inermis armatos; puer viros: imbecillus robuſtos: Tyro Veteranos. Qua quidem ex victoria hæud ſanè facile ſtatuimus, maiorem ne auctoritatem apud hoſtes, an beneuolentiam & charitatem ſibi apud ſuos conciliauerit. Nam neque hoſtes, cum bellicam virtutem, quã antea, vt in puero, aut nullam aut perexiguam eſſe opinabantur, ſuo ipſi periculo & plurimam & excellentem fuiſſe cognouiſſent, vllũ præterea bellũ ad oppugnandã patriã ſibi eſſe redintegrandũ putauerũt: neque ciues tot tantorumque periculorũ formidine liberati, amare illum & ſingulari charitate proſequi non potuerunt: à quo ſe ipſi vnã cum Rep. præter ſpem atque opinionẽ ſuam ſeruatos eſſe apertiſſime vidiſſent. Et quidem non deſuerunt qui tam incredibilis, tã inſperata, tam repentinã propemodũ victoriã exitum vel perpetuã MEDICVM felicitati, vel Dei opt. max. ad quem omnia referenda ſunt, voluntati & conſilio tribuerint. Ac mihi ſanè libet hic cõmemorare, Ciues, quod quamquam fabuloſum fortasſe videri poteſt, multorum tamen ſermone celebratum eſt; & rerum, quæ poſtea conſecutæ ſunt, euentu comprobatum: à nobis certè de iis auditum, qui totum id, quod dicturi ſumus, ab eo, cui euenit, ſeſe accepiffe teſtarentur. Ferunt enim Petro Strotio earum copiarum Duci, quæ tum reducendorum exulum gratia coactæ in citiore Gallia fuerant, iam iam ex Apennino in Heturiam deſcendenti ſecundum quietem viſam eſſe hominis imaginem longè illam quidem humana imagine auguſtiorẽ. quam cum interrogaffet, ecquæ nam foret? minitabundam reſpondiſſe, ſeſe IOANNEM MEDICVM COSMI patrem eſſe. Illum, inquam, belli fulmen, cuius adhuc nomen omnes gentes ac nationes

Petri Angelii Bargai.

tiones perhorrescunt. A quo deinde cum ipse sibi in Galliam reduci obtorto collo, & vniuersus exercitus, cui præerat, armis, viris, terrore, periculoque mortis repelli, fugari, cædi visus esset, expergefactum confurrexisse, ac tanto metu percussum esse, vt de fuga postea potius, quàm de victoria sibi esse cogitandum statuerit. Sed siue Heros ille inuictissimus è Cælo ad hostem perterrendum descenderit: Siue Deus opt. max. causam hanc nostram meliorem esse iudicarit: COSMVS certe IOANNIS F. MEDICES, ac patriæ fortitudinis effigies, armis & consilio conatus ad uersariorum fregit: ac tum primum ea victoria potius conualescentem Remp. confirmauit. Atque hac quidem in re quântum Cæsari Augusto præferri possit, facillime intelligit, qui vtriusque factum diligenter perpenderit. Nihil enim prohibet quo minus in dispari imperio ac dominatu par dignitas & fortuna eadem esse potuerit. Ille igitur Remp. præcipitantem impulit, ac perditam prostrauit: Hic labantem sustinuit, & prostratam erexit. Ille vniuerso penè Senatu extincto, atque innumerabilium ciuium sanguine crudelissime effuso Rempu. occupauit. Hic ex hostium etiam numero pluribus omnino vel in ipsa victoria seruatis, quàm interemptis, ac nulla planè siue in senatu, siue in populo cæde consecuta imperium constabiliuit. Ille mox licentiam sœuendi nactus nobilissimas quasque familias sustulit. Hic agendi clementer occasionem adeptus non modo cuiusquàm fortunâs non euerit, sed multos etiam ciues, qui superiorum temporum asperitatibus in maximas difficultates coniecti fuerant, in pristinam dignitatem atque amplitudinem suo priuatim sumptu restituit. Quamobrem eosdem illos hodie quoq. in ciuitate florere non ignoramus, quos antequam ipse Reipub. gerendæ præficeretur, opibus & copiis floruisse audiuius. Oh beni-

Laudatio ad funebrem concionem

gnitatem admirabilem, o, humanitatem incredibili-
lem, o, nullis vnquam sæculis auditam mansuetudi-
nem. Quod plerique omnes, cum in libera ciuitate re-
gnare incipiunt, necessarium esse putant, vs, quos e-
tiam leuissimis de causis suspectos habent, eos quo iu-
re quæ iniuria è medio tollendos curent: magnasq;
familiarum opes & factiones, quæ principem locum
antea in Rep. obtinerè & quasi dominari consueue-
rant, obiectis multarum rerum difficultatibus atque
incommodis infringant ac debilitent, ipse tantum a-
best imitatus vt sit, vt etiam quâ plurimis pepercerit:
adeundi magistratus & honores potestatem fecerit:
Rem familiarem amplificauerit, eorum etiam, quo-
rum in se odia fuisse acerbissima non suspicione atque
indiciis, sed re ac factis apertissime deprehēderat. Hæc
qui non suspiciunt, qui non admirantur, qui præci-
pui quibusdam laudibus in Cælum non ferunt, ii aut
quantum diuinæ cuidam atque heroicæ virtuti debea-
mus non intelligunt: aut si intelligunt, & tantorū ta-
men factorū magnitudinē vel verbis extenuant, vel si-
lētio præmittunt, iam huiusmodi homines, non ho-
mines sed hominū monstra ac portēta sint necesse est.
Cæterum quātum illi in re militari auctoritatis & exi-
stimationis attulerit Resp. fortiter & prudenter ge-
sta, ea, quæ mox consecuta sunt tempora facillime de-
monstrarunt. Nam cū paulo pōst in Insubribus is, qui
tum Pro Cæsare in Italia Hispanis legionibus præerat
Alphonsus Daualus fortissimus Imperator insignem
cladem a Gallis accepisset; parumque abesset, quin il-
li eam victoriam consecuti, rectā se ad oppugnandum
Mediolanum conferrent: atque Hispanos ex vniuer-
sa Italia præcipites exturbarent, penē prius ab Heroe
hoc nostro lectissima Hetruscorum militum manu cō-
firmatus est, quàm ab hostibus victus. Etenim nostrarum
legionum aduentum tantum terroris victoribus
attulisse

Petri Angelii Bargai.

attulisse tum constat, quantum non modo ad eorum animos iuueniliter exultantes reprimendos, sed etiam ad res Cæsaris, quæ tanto accepto vulnere penè corruerant, subleuandas & constituendas satis fuit. Itaque cum omnium opinione attritæ atque euersæ radicitus viderentur, in eum locum a nostris restitutæ sunt, ut ex inferioribus ac perditis, superiores atque integræ repente euaserint. Quod quidem ipsum nemo tam inuidus est, qui cum Hetruscorum militum virtuti ac disciplinæ, tum COSMI MEDICIS, cuius auspiciis ac iussu eò profecti fuerant, incredibili prouidentia, vigilantia & felicitati acceptum referri oportere non ingenue fateatur & prædicet. Sustinuit itaque ille suis propemodum humeris res Cæsaris in Insubria labantes. Qua quidem in re præterquàm quòd Cæsari pro iis, quæ ab illo acceperat beneficia & plurima & maxima, gratiam cumulatissime retulit, communi etiam totius Italiæ quieti & tranquillitati consuluit. Id quod cum cæteris, quibus ipse semper non minus quàm sibi prospectum esse voluit, otium & securitatem peperisset, in suam suorumque perniciem propemodum redundauit. Nam Henricus Valesius aliquot post annis, cum in Gallia regnum obtineret, quod ea in re parenti suo Francisco Valesio iniuriam fuisse factam existimaret, aut quod tum quidē ita videri vellet, hominum maleuolorum vocibus & scelere exulceratus, suasionibusque impulsus graue bellum nobis inferre statuit. Quod cum sibi necessario suscipiendum esse COSMVS MEDICES intelligeret, quamquam animo planè inuito ac recusanti cum affine atque amico Rege vi & armis decertaret, tamen tanta cum animi alacritate suscepit, ut dubitaret nemo, quin ipse sibi suo suorumque consilio, Reique p. cui præerat, viribus & caussæ ipsius æquitate secus, certissimam victoriam polliceretur. Itaque cum & reliquæ totius Ita-

Laudatio ad funebrem concionem

lię nationes ac Principes rerum euentum suspēso animo expectarent, futurumque crederent, vt euerso M E D I C V M imperio Galli paulopōst in Hetruria dominarētur: ideoq; omnes metu perculsi se suasq; vires intra suos fines continerent: easq. hostibus potius, q̃ nobis impertirent, ipse vnus incredibili quadā animi magnitudine pręditus fortissime & constantissime totum illud bellum administravit: & ad eum exitum perduxit, ad quem nulli prorsus peruenturum esse sperauerant. Quid enim sperarent? cum & finitimas ciuitates ac Dynastas partim reuiuiscēti ac surgenti M E D I C V M glorię obscurē inuidere, partim rerum nouarum cupidos Gallorum opibus palām fauere animaduertērent, Regem autem ipsum potentissimum vniuersam Galliam mox esse in Hetruriam effusurum opinarentur. Consecutus igitur is exitus est, quem & optimi quique magnopere optabant, & tanti Herois virtus tam excellens, tam admirabilis, tam incredibilis expetebat. Atque hoc quidem in bello quid est, Ciues, quod pro rerum dignitate & magnitudine prius admiremur? Prudentiam ne? cuius vi factum est, vt cum hostes essent nos incogitantes atque imparatos iam iam obsessuri, ipsi se obsideri senserint: bellumq; quo nos appetere instituissem, in finibus suis gerere coacti sint. An animi excelsi atq. inuicti magnitudinem & robur? quo ipse pręditus nullum vnquā tam atrox periculum rebus suis impendere animaduertit, quod vel tantulum pertimuerit: nullam cladem tam insperatam vnquam accepit, cuius ipse importunitate perterritus sibi esse ab incepto desistendum, & de pace cum hoste agendum putauerit. An in rebus duris atque aduersis patientiam? In prosperis & secundis æquabilitatem? Quis enim illum, cum flagrāte bello fortuna minus propitia vteretur, frangi animo ac debilitari vnquam vidit? Quis postea, cum eodem penē die

Petri Angelii Bargai.

die Heleonoram Toletanam lectissimam sceminam, & Regia familia ad imperandum planè natam, vxorem suam, duosque item filios iam natu grandes, & animi, & corporis bonis omnibus florentissimos amisisset, vultu immutatum perspexit? quis rursus cum res, quemadmodum omnes magnopere optabamus, prosperrime succederent, eum esse factum paulo elatorem atque insolentiorum audiuit? Ac profectò videtur mihi diuino planè consilio accidisse, vt tantam belli molem ipse in se vnum incumbentem, tantumque fortunæ periculum & necessario subierit, & constantissime sustinuerit. quo scilicet apud omnium animos testatum esset: futurum ominino fuisse, vt si minus a fortuna ad regium apicem iam inde a puero eueheretur, regnum tamen ipse iam grandis natu sua sibi esset virtute comparaturus: Si quo casu præclare agendi occasionem nactus re ipsa ostendere potuisset, Virtutem potius quam Fortunam ab hominibus afferri oportere ad imperandum. Quis igitur tam durus, tam ferreus, tam inhumanus est, qui tanta tantæ virtutis & præstantiæ iactura non moueatur? Equidem quod ad me attinet, cum mecum ipse cogito quantum id sit, quod in vno hoc Heroe amisimus, nihil esse planè statuo, quamobrem nunc quidem omnes omnium miserrimi esse non iudicemur. Ac præsertim cum à rebus bellicis, in quibus quâquam prudentiam principem locum occupare oportet, fortunam tamen iure quodam suo dominari ac regnare nemo negat, ad res urbanas ac domesticas contemplandas animum reuoco. quando in iis non impetu ac temeritate sed delectu & sapientia ad agendum ducimur, quantumque in bello inconstantia & casus sibi vendicare, tantum in hisce ratio & consilium valere consuevit. Quid igitur, maioremne ille domi, quàm militiæ: togatus, quàm armatus: in pace, quàm in bello: inter Cives, quàm

Laudatio ad funebrem concionem

quàm inter milites gloriam repperit? Repperit me-
quidem opinione tanto maiorem atque amplio-
quanto laus existimari solidior debet, quam nos ex no-
stris potius, quàm ex aliorum præclare factis capimus.
Quamquam quæ ipse armis & militum robore quæsi-
uit, non aliorum viribus, sed vni eius virtuti tribua-
mus necesse est. quippe qui consilio & sapientia, quæ
foris gesta sunt, dum in vrbe se continet, tanquam
mens in capite residens, administravit. vt hac quidem
de re multo maiore in admiratione apud homines esse
possit, quàm si ipsemet armatus in aciem prodiiisset:
atque immemor suorum salutis, dum se periculis ex-
poneret inanem gloriæ speciem, & falsam quandam
non veræ fortitudinis laudem consecutus esset. nisi
nos fortasse laterum ac lacertorum viribus virtutem
potius, quàm ratione & consilio metiamur. & eum,
qui res magnas gerit, maiore commendatione prose-
quāmur, quòd manibus valentior, quàm prudentia
consultior cum fuerit, rerum omnium summam in
extremum discrimen adduxerit. Non est eorum hæc
laus, quorum in vita totius Ciuitatis ac populorum o-
mnium salus continetur. quam qui Reip. præsumunt si
vnà secum periclitari patiantur, iam non conseruato-
res, sed patriæ proditores vt appellentur, digni sunt.
Errant itaq. illi mea quidē sententia, & vehementer
falluntur, qui iisdē è fontibus laudē manare existimāt
Imperatoris, & hominis in Rep. principis: cuius cum
salute Reip. salus ita coniuncta sit & copulata, vt peri-
clitari ac ruere omnino nō possit, quin & ipsa Resp. pla-
nè periclitetur & corruat. Quærāt hoc decus, atq; hoc
audaciæ præconium, qui aut nihil præterea habēt, quā
obré magnopere gloriētur; aut nullā aliam occasionē
ad præclare agendum sese consecuturos esse intelli-
gunt. Sed qui personam sibi eam impositam vident,
cui non priuatim suam, sed suorum beatitudinem
atque

Petri Angelii Bargii.

atque incolumitatem propositam esse oporteat, si reprehendendi planè sint, si vt imperii fines proferant, vt trophæa de victis hostibus constituant, subire bellorum pericula, & vitam ipsi suam Fortunæ temeritati cōmittere non verentur. nulla est victoria, nullus triumphus tanti faciendus, vt dignus esse existimetur, cuius ad apiscendi cupiditate impulsus nihil non sibi faciendum atque audendum ii putent, qui principem locum in Rep. obtinent. Multa sunt: in quibus solidior omhino cum laude versari queant. Nam pie sancte quæ Deum qui colit: & vt ab aliis religiosissime colatur in primis cauet: qui optimos ac sanctissimos mores in ciuitatem ac Remp. inducit: qui præclarissimas leges, quibus domi forisque ciues vtantur, condit: qui suis nihil vt ad bene beateque viuendum desit, studiofissime curat: qui vrbes Deorum immortalium templis, basilicis, porticibus, statuis exornat: qui agros ex pestilentibus salubres: ex inculis ac sterilibus, celebres & fecundos reddit: qui Arcibus: qui propugnaculis: qui portibus regionē & imperii fines vinct ac munit, vt ciuib. nō modo securitatē, sed etiam vberissimam rerum omnium copiam & affluentiam pariat: Hunc ego non iam cum summis ac præstantissimis Imperatoribus Fabritiis, Curiis, Scipionibus, AEmiliis, Fabio Maximis exæquandum, sed cum priscis illis Heroibus Hercule, Theseo, Pirithoo, Quirino comparandum, atq. aded cunctis anteponendum puto. Nam quod ad Dei opt. max. cultum & religionem pertinet, vt omittam quàm seueris suppliciis eos, quia priscorum & sanctissimorum patrum institutis & præceptis dissentiunt, & nouas religiones in Remp. inducunt, semper fuerit persecutus: quàm omni dili-

Laudatio ad funebrem concionem

tate Romanorum Pontificum ac Sacerdotū sanctissimo-
nam obseruauerit: quā pudicē eas Virgines, quæ se
Deo dicauerunt; asservari studuerit: quā frequen-
ter sacras ædes venerabundus adire, & sacrificiis, quæ
illic fierent, interesse confluuerit: quantam denique
pecuniæ vim in eorum fratrum ac Sodalium familias
& cœtus effuderit, quorum in colendo numine vel
quotidianam operam & assiduitatem interrumpi, vel
voluntatē & cursum inopiā retardari intelligebat. Ve-
tācitus (inquam) hæc omnia prætermittam: quale quā-
tumque illud est hærentis in animo atque in intimis vi-
sceribus ac medullis infixæ penitus erga Deum pietatis
testimonium? quod in hac ipsa vrbe Diuo Stephano
magnificentissimum templum ædificari curauerit: ac
non modo illi castissimos atque integerrimos sacerdo-
tes addiderit; verum etiam fortissimorum militum so-
dalitatem è nobilissimis totius Europæ familiis selectā
& conflatam instituerit; qui publice priuatimque re-
ligiosissime pietatem colant, & ad Reipū. Christianæ
salutem defendendam ac dignitatem amplificandam;
maiestatemque retinendam in iis præsertim belis, quæ
cum Turcis perpetuis atque atrocissimis Christiani no-
minis hostibus suscipiuntur, vitam summa cum alacri-
tate, si res ita postulat, & ponant & profundant. Quā-
obrem illi quidem in ea pugna, quæ tribus fermè ab-
hinc annis ad Echinadas insulas omnium maxime me-
morabilis a classibus nostris cum Turcarum classe cō-
missa est, non minus inflexæ virtutis, quā integerrimæ
fidei, cuius religione obstricti ipsi se ad pugnandū
contulerant, specimen dederunt. Nam cum omnes
fortissime se gessissent; partim in ipso prælio interem-
pti occubuerunt: partim multis acceptis vulneribus
seruati sunt: vt eius victoriæ non minimam laudē sup-
ipsi sanguine & vita conquistam in Hetrariam repor-
tauerint; & M. Antonio Colannæ Imperatori fortis-
simo,

Petri Angelii Bargai.

finio, cuius auspiciis duodecim ipsæ triremes lectissimorum militum, ac præstantissimorum Equitum robore vel in primis instructæ, & à COSMO MEDICE Magnò Hetruscorum Duce ad Pontificem missæ Christianæ Reip. egregiam operam nauauerant, à Pio v. Pontifice max. triumphus in vrbe Roma decretus fuerit. In quo tum quidem non tam inuictissimi Imperatoris, ac de re Christiana optime meriti virtus est immortalitati commendata: quàm COSMO MEDICIS, cuius ille paratissimæ classis præfuerat, fides & obseruatia in Romanum Pont. incredibilis, pietasque admirabilis erga Deum spectata, & ab optimis quibuscq. celebrata omnium ora atque oculos in se conuertere quod ipse opibus & copiis Populus Rom. adiutus est omnium pulcherrimam, & fortunæ seuientis iniuriā non modo ex oculis sublata, sed etiam è membris plane deletam multis post sæculis renouare, ac lætissimus spectare potuerit. Quamobrem fremant omnes licet, dicam libere quod sentio. Vna hæc me hercule tam propense in Remp. Christianam animi significatio huiusmodi fuit, vt inter tanti Pontificis acta, quæ & plurima, & præstantissima fuerunt, nihil reperatur, quod illi sit apud posteros maius ad memoriæ perpetuitatē decus allaturum, quàm quod multò ante COSMO MEDICE, perspecta scilicet atque optime cognita tam excellentis Herois præstantia Magnum Hetruriæ Ducem appellauerat. Quid enim pulchrius cogitare? quid ad nominis immortalitatem sui certius facere potuit? quàm grauisimo quodam ac singulari iudicio restitutum relinquere, se tãtam animi altitudinem, quàm in multis ab eo præclare factis perspexerat, præterire

Laudatio ad Funebrem concionem

imperare: popularum salutem charissimam habere: optimis moribus ciuitatem ornare: improbitatem & scelus odisse: integritatem: sanctitatem: innocentiam publice priuatimque colere: suis artibus & consiliis Italiae pacem multo labore confirmatam tueri: opibus & copiis rem Christianam iuuare: nullam praeclare agendi occasionem praetermittere: nihil non magnum atque excelsum cogitare: nihil non omni omnium admiratione dignum moliri. Nam & in Flaminia Heliopolim, & in Ilua insula Cosmopolim urbem ab humo excitatam extruxerat: eamque firmissimo praesidio munierat: ut Ligurum, ut Hetruscorum, ut Latinorum securitati prospiceret: & Africanis latronibus quasi compedes iniiceret. Viderat hunc eundem Oppidorum substructionibus ad eas Hetruriae partes, quae desertae sunt ac derelictae, frequentandas maritimarum passim occupauisse, & in ipsis me hercule summis saxis ac scopulorum verticibus ad fines imperii tuendos arces & castella posuisse, quae & locorum situ, & murorum firmitate atque opportunitate tutum ac propugnaculorum incredibili, nulla ui expugnari posse viderentur. Viderat liberos, quos suscepisset, FRANCISCVM FERDINANDVM ac PETRVM certissima persugia ac praesidia bonorum omnium domestica disciplina ad pietatem erga Deum, ad charitatem erga suos, ad liberalitatem & munificentiam erga omnes ab eodem educari: ad iustitiam, ad continentiam, ad temperantiam, ad lenitatem, ad facilitatem, ad affabilitatem colendam, ceterasque omnes (ut ita loquar) siue maiorum siue minorum gentium virtutes & percipiendas & habendas institui. Quarum quasi coetus & consensio mirabilem futurae amplitudinis spem polliceretur. Viderat, viderat, inquam, nullos exercitus a Caesare in Pannonias conscribi; ubi irruentes in Germaniam Turcas

221 *Petri Angelii Bargaii.*

Turcas coherceret: quin cum iis Hetrusca legiones armis atque omni militari copia ornâtissimæ proficiscerentur: nullam Classem siue ab eodem Cæsare siue a Philippo eius F. Hispaniarum Rege comparari, vt cum Byzantiis classibus confingeret: vt Mauritanos latrones è sedibus exterminaret suis: vt Christianis hominibus aditum in Africam patefaceret: vt Libyæ oram præsidis vinciret: vt Melitam iamdiu oppugnatam oblidione liberaret, quin cum eadem Classe Classis Hetrusca ad pugnandum paratissima nauigaret. Viderat denique iustissimo bello propulsatis & coherctis hostium iniuriis fines longissime protulisse: seque rerum præclare gestarum & numero & magnitudine cum potentissimis regibus adæquauisse. vt si tantus Pontifex tantorum factorum amplitudinem & præstantiam tacitus dissimulasset, omnem planè omnibus Christianis Principibus spem ad præclare agendum optimeque de Rep. Christiana merèdum præcidisset: seque omnium esse hominum ingrâtissimum aperte significasset. o, admirandam sapientiam. o, mentem Cælo ipso, vnde ad nos descenderat, dignissimam. quæ eo cognomine Heroem hunc nostrum par esse vt ornaret, existimauerit, quod ad piè sancteque viuendum; ad iusto imperandum: ad populorum salutem tractandam; ad imperium Christianæ Reip. vindicandum ceterorum omnium animos in futurum excitaret. Sin thec omnino, Ciues, quæ hucusque commemorauimus, ingentis animi & heroicarum virtutum indicia, vel testimonia potius. Sed quæ sequuntur quàm fortasse nomine ipso leuiora: re tamen & factis, suis, si pondere æstimentur vel paria, vel ampliora vi-

Laudatio ad funebrem concionem

lorum odiis vehementer laborabat: & iis fundamentis nitebatur, quæ labefactari & conuelli paulo momēto posse putabantur: ausus tamē in tanta rerum perturbatione in ipsa Regni atque Imperii nouitate: cum vndique metus ac formidines impenderent: cum Exules bellum minarentur: cum Byzantio atque extrinsecis Thraciæ faucibus classis innumerabilis accersita littora Italiæ, atque ad eodē ipsius Hetruriæ oras popularētur: Cum superiorum temporum difficultatibus Aerarium exhaustum foret: Cum Hispania: Cum Gallia: cum Belgia: cum Insubria bello vexaretur atrocissimo: ausus, inquam, est magno vel potius incredibili sumptu suo literatissimos homines & in omni scientia principes e variis Orbis Terrarum partibus in hanc Urbem euocare: & apud vos Theologiæ, Philosophiæ, Iurisprudentiæ, cæteris denique omnibus disciplinis ac facultatibus, quæ liberales dicuntur, sedem ac domiciliū constituere. Vt hæc ipsa Urbs, quæ nescio quō fato peculiari suo multos iam annos in situ & squalore contempta ac deformata iacuerat, ciuibuscque penitus exhausta, atque omnibus ornamentis spoliata pristinam illam dignitatē suam amiserat, tum primum recollectis & recuperatis propemodum viribus refici paulatim ac recreari cepent. Itaque eam hodie finitimæ nationes magna sua cuni admiratione sic celebrem & florentem intuentur, vt partim inuideant: partim *Comiti Medici* erga vos beneuolentiā, & in studia literarū egregiam voluntatē suspiciant, qui ingentibus propositis præmiis doctissimos homines apud vos aluerit: quorum ē scholis clarissimi adolescentes & omnibus doctrinis instructissimi prodierint: quiq; urbem frequentissimis ædificiis ornari: vias muniri: agrum purgari: paludes exiccari curauerit. Quamobrem Urbem hanc vestram, Ciues, quæ Cælo & loca calamitosa putabatur, hodie saluberri-

berrimam esse tum ex ciuium, tum ex peregrinorum
 incredibili frequentia cognoscimus. Si quis igitur est,
 qui extremo hoc tanti Herois a nobis discessu non mo-
 ueatur: qui COSMVM MEDICEM Magnum He-
 truriae Ducem tanquam optimum parentem, ac non
 modo de hac ciuitate, quam ipse singulari semper qua-
 dam charitate profectus est: & cuius aspectu tanto-
 pere delectabatur, ut ab eo in primis recreari videretur,
 sed de Rep. Christiana optimè meritum sibi esse
 perpetuo lugendum, & tacita pietate deplorandum
 non putet, eum ego, ut idem iterum atque iterum re-
 petam, ne in hominum quidem numero haberi oportere
 censeo. Verum enim uerò tantum abest, ut hu-
 iusmodi quisquam inter vos sit, ut vester dolor, ve-
 straeque lacrymae, quarum vim incredibilem hoc tam
 acerbo casu effundi video, consolationem potius ali-
 quam desiderent: quam quidem ego doloris magni-
 tudine victus inuenire atque excogitare nullam pos-
 sum. Te enim COSME MEDICES amissimus, cuius
 in beneuolentia & charitate erga hanc Ciuitatem in-
 credibili tuti conqueiescebamus. Cuius humanitatem,
 clementiam, & liberalitatem sapissimè experti in ma-
 gnarum omnium affluentia beatissimi versabamur.
 Cuius denique virtutem, sapientiam & prudentiam
 intuentes nihil vnquam nobis secus esse euenturum
 verebatur, quam vellemus. Ac tu quidem nunc ex
 his tenebris ex hac temporum confusione, ex hac ho-
 minum peruersitate & rerum humanarum inconstan-
 tia corpore solutus discessisti: teque in lucem vindica-
 sti: & in eum locum contulisti: in quo liber ab omni
 perturbatione rerum omnium auctorem atque opifi-
 cem Deum contempleris: & à quo nos miseros, affli-

Laudatio ad Funerem concionem

in nos plurima & maxima contulisti, memoriam a-
mandam censeas. Ac nos quidem te tum propter
virtutes tuas Coelo receptum, & cum Dis agen-
tem ævum: tum quod *FERRA NCISCV.M. F.* vi-
ces tuas in imperio sustentem, iisdemque in vesti-
giis herentem, quæ tu in terris cum esses ad factorum
tuorum immortalitatem impressisti, nō modo gentis
& familie, sed etiam honoris & gloriæ Heredem: & in
Regnō incredibili tua cum prudentia optime consti-
tuto Successorem reliqueris, piè sancteque semper ob-

servabimus: tuique nominis desiderium crebris

sermonibus renouare, & memoriam cum

charitate vsurpare nunquam desi-



FLORENTIÆ.

Apud Iuntas.

M. D. LXXIII.